

Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Secunda Secundæ Et Tertia Pars Divi Thomæ Complectitvr -
Qvæstiones Insper Ad Mores, & praxim spectantes, maximè circa
Sacramenta, accuratè declarantur

Carleton, Thomas Compton

Leodii, 1664

Sect. VI. An inter objecta credenda seu veritates Fidei sit aliquis ordo?

urn:nbn:de:hbz:466:1-13826

8 Disp. II. De objecto materiali Fidei. Sect. VI.

TOM. II. ut nō nomine, utrū dici possit novos jam aliquos Ecclesiam habere aut credere articulos, ab Apostolis explicitē non creditos.

SECTIO SEXTA.

An inter objecta credenda, seu veritates Fidei sit aliquis ordo.

I.
Duplex consideratio objectorum Fidei, in esse rei, & in esse credibilis.

QUAMVIS, ut supra diximus, veritates Fidei, sive ex creatis sint, sive increatae, quæ omnes sint credibiles, utpote quæ divinam auctoritatem æqualiter sibi habent applicatam, nec firmius aut certius uni quis adhæreat, quam alterius; quidam tamen inter eas reperitur ordo. Quis ergo qualisvis hic ordo sit, hoc loco est declarandum. Considerari verò hæc objecta seu veritates possunt, tum in esse rei, tum in esse credibilis, & de utroque aliquid dicendum.

II.
Inter Fidei veritates multiplex ordo repertur.

Ordo dignitatis, causatatis, & temporis.

Si ergo veritates Fidei in esse rei spectentur, triplex præcipue numeratur in his ordo, *dignitatis, causatatis, & temporis*. De primo nulla est difficultas, Deus enim, circa quem multi sunt Fidei articuli, dignior infinites est objectis creatis. Quoad causatatem similiter res videtur clara, idque duobus modis, tum in genere causa efficientis, Deus siquidem omnium reliquorum objectorum, Fidei que veritas in rebus creatis est causa effectiva, & physica; tum etiam in genere causa quasi formalis, unum quippe objectum creditum, seu veritas Fidei, est remotè saltem ratio quedam assentiendi alteri, & ad illam credendam, aliquo modo determinat. Tandem quoad ordinem temporis, æterna hoc modo antecedunt temporalia.

III.
Objecta in propositionibus Fidei, diversis de se invicem modis praedicantur.

Ut autem res hæc melius intelligatur, notandum varias fieri posse comparationes, quibus Fidei objecta de se invicem prædicantur; primò enim & præcipue divina prædicanter de divinis, ut cùm dicimus: *Sanctissima Trinitas est æterna, immensa, omnipotens: Spiritus Sanctus procedit à Patre & Filio, Deus erat Verbum, &c.* has autem Fidei veritates certum est ordinis dignitatis esse primas. Secundò; objecta creatae de increatis, aut è contra increata de creatis dicuntur, ut *Deus est homo, Deus creat, Verbum incarnatur, & è contrario: Homo erat Deus, & familiæ: hæc vero propositiones sunt secunda quoad dignitatem, utpote quæ ex objectis partim creatis constant. Tertium demum, & infimum veritatum Fidei genus est, quando creatum dicitur de creato, ut *Cain occidit Abelum, Noë erat vir justus, &c.**

IV.
Vrum inter objecta materialia Fidei detur ordo dependens.

Jam verò si hæc objecta considerentur in esse credibilis, non levis est difficultas, utrum inter objecta materialia Fidei sit aliquis ordo dependentia, & unum credibile sit prius alio, seu, quod alii termini inquiri solet, an detur inter materialia objecta *primum credibile*, à quo nimirum objecta cetera in esse credibilis dependant. Materialia autem objecta hæc sumimus prout distinguuntur à formalib.

V.
Inter objecta materialia Fidei nullus est ordo in ratione credibilitatis.

Verius mihi hac in parte videtur, inter objecta Fidei merè materialia nullum dari ordinem in esse credibilis, sicque non dari primum aliquod credibile, seu objectum materiale, à quo credito actus credendi alia dependeat: & universum ex ultimo nullum objectum materiale Fidei ad aliud credendum præsupponi. Ratio est: nullum siquidem ex objectis materialibus Fidei est ex natura rei prius alio in ratione credibilis, ita nimirum.

rum, ut nisi hoc prius credatur, alia credi non possint: cùm ergo Deus, quicquid revelat, revelet liberè, potest quocumque velit objectum prius revelare, & intellectus illud credere.

Dices: nullum omnino objectum credi potest fide divinæ, nisi quis credit, & Deum esse veracem, seu nec falli posse, nec fallere, & cum hoc objectum de facto revelasse: ergo hæc duo objecta sunt duo principia, quibus innititur cuiuscumque mysterii Fides, & consequenter ante credi debent, quæ possint credi alia. Sed contra: nos enim loquimur tantum de objectis materialibus Fidei, veritas autem & dictio sunt objectum formale, seu ratio cur alia credantur, siquæ nil mirum si prius credi debeat, quæ re aliqua.

VI.

Veracitas, & dictio Dei ad omnime objectum credendum sunt necessaria.

Secundò tamen videtur dici posse; licet quisquis credit objectum aliquod, futurum scilicet diem judicii quia Deus dixit, credere necessariò debeat Deum hoc dixisse, non tamen videtur requiri, ut actu alio Fidei hunc actum antecedente, istud credit, sed sufficit ut per eundem actum quo propter divinam dictiōnem credit futurum iudicium, credat etiam hoc Deus dixisse: etiamsi in primâ Fidei generatione contrarium frequenter contingat. Hoc verò maximè sequi videtur in illa sententiâ, quæ asserit motiva Fidei, non essentialiter, sed moraliter tantum cum objecto revelato, ejusque revelatione connecti, ergo non requiritur, ut actu aliquo prævio Fidei hæc Dei dictio creditur, sed sufficit ut eadem operatione in actu exercito unâ creditur cum objecto materiali, quod de actu, quo creditur ipsa dictio Dei, necessariò est afferendum, alioquin ibit in infinitum. Idem suo modo dici etiam posse videtur de veritate, seu infallibili Dei auctoritate in dicendo. Objectum tamen formale est saltem ratione, & aliquo modo naturâ prius materiali, cùm hoc propter illud creditur, non è contra. Sed hac de re postea recurret sermo, ubi de objecto formalis Fidei, veritate nimirum & dictione Dei disputabitur.

VII.

Non videtur necessarium, ut actus Fidei supponat veritatem & dictiōnem Dei prius creditam.

Dices secundò: quidam magis, quæ alia sunt necessariò ad salutis adoptionem credenda, ergo aliquis inter hæc objecta est ordo. Distinguo consequens: est aliquis ordo quoad necessitatem, concedo consequentiam; prioritatis quoad credibilitatem, nego; quoad aptitudinem namque ad credendum, hæc se invicem plane sunt independentia, unde si Deus objectum minus necessarium prius revelaret, posset prius credi. Quamvis etiam inter objecta materialia unum sit objectum attributionis, sicque ordo quidam dignitatis, & relationis, cùm objecta attributa ad objectum attributionis referantur, non tamen est ordo prioritatis ad credendum, ita ut si Deus revelaret objectum aliquod attributum, credi nequeat nisi prius reveletur & creditur objectum attributionis. Licet ergo inter objectum formale Fidei, veritatem scilicet & dictiōnem Dei, & materialia sit ordo aliquis dependentia, seu illationis, juxta dicta num. 6. & 7. cùm materiale creditur propter formale, nempe dies judicii propter veritatem & dictiōnem divinam, non hæc propter diem judicii, inter objecta tamen materialia hujuscemodi ordo non reperitur.

VIII.

Objectum attributionis est prius dignitatis, non credibilitatis.

Quaret tandem hæc aliquis, si hæc objecta formalia inter se comparentur, veritas scilicet & dictio, utrum ex his objectis sit prius? Suarez hic, Disp. 2, Sect. 4. num. 14. ait, in esse dictio.

IX.

Quodnam ex objectis formalibus sit prius, veritas, an dictio.

rei veritatem esse priorem dictione, cum illa sit proprietas necessaria, inquit est quid Deo intrinsecum, revelatio autem est quid creatum, & extrinsecum. In esse tamen credibilis ita à se invicem hæc duo pendere afferit, ut nullus inter ea sit ordo prioris & posterioris, sed sese in hoc genere essentialiter includant: nec enim veraci-

tas quidquam ad actum Fidei conferre potest sine dictione, nec dictio sine veritate. Verum ut quād veritas est ad actum fidei necessaria,

DISPUTATIO TERTIA.

De objecto formalis Fidei divinæ.

OBJECTVM formale, ut Disp. 2. Logica Sect. I. num. 6. Objectum
formale
universum
quid sit.
& sequentibus ostendi, est id propter quod in aliquid tendimus, ut dum quis propter sanitatem vult incidi venam, &c. Sanitas est objectum formale, incisio venæ objectum materiale: quod similiter in actibus intellectus contingit, ut latius ostensum est loco citato. Quæ ergo illic diximus, ad presentem questionem applicando, objectum formale Fidei est illud, quod objectivè movet intellectum ad assentendum rei alicui, seu mysterio, quod proponitur credendum. Alia quidem movent etiam ad assensum Fidei, ut apprehensiones, & imperium voluntatis, non tamen sunt objectum formale Fidei, cum non sint omnino objectum, ab actu enim Fidei non representantur, sicq; non movent objectivè, quod, ut diximus, est de conceptu objecti formalis actuum intellectus.

SECTIO PRIMA.

Quid sit objectum formale Fidei divinæ.



I.
Hæretico-
rum quo-
rumdam
circa obje-
ctum for-
male Fidei
error.

ANCTUS Augustinus lib. de utilitate credendi, cap. i. refert, tenuisse Manichæos nihil credendum esse, nisi quod humanâ ratione assequi possumus. Eundem errorem S. Bernardus epist. 190. ad Innocen. tribuit Abailardo, multique ex modernis hæreticis hoc ipsum mordicus defendunt: qui proinde objectum formale, rationemque assentiendi, non in auctoritate Dei dicentis, sed in rerum in se evidentiâ, vel immediatâ, ex ipsâ scilicet terminorum apprehensione, vel mediata, nempe per discursum habitâ, constitutum.

Sed hæc sententia est aperte falsa, tum quia nonnulli Fidei articuli sunt supra rationem, & captum creature rationalis, nec ad illa principia per se nota reduci possunt, ut est sacrosancta Trinitas, Incarnatio, & alia quædam. Deinde Apostolus 2. ad Corinthios, cap. 10. num. 5. dixit oportere captivare intellectum in obsequium Christi: quæ autem captivatio, ubi naturalis ratio convincit ita rem propositam se habere, &

cogit ad assensum? Quare Christus Matth. 16. vers. 17. S. Petro ipsum, Eum Dei vivi agnoscendi dicit: Caro & sanguis, id est naturæ vires, non revelavit tibi, sed Pater meus, qui in talis est. Tandem Divus Paulus 1. ad Corinthios 2. versi. 4. sic habet: Predicatio nostra non est in persuasibilibus humane sapientia verbis, sed in ostensione spiritus, & virtutis, ut Fides vestra non sit in sapientia hominum, sed in virtute Dei. Hinc Sanctus Augustinus serm. primo de Trinitate: Fides sun, inquit, credo quod nescio. Tractatu etiam 40. in Joannem circa illud: Nisi credideritis, non intelligeritis, sic scribit: Credimus ut cognoscamus, non cognoscimus ut credamus. Idem docet S. Dionysius, S. Basilius, S. Gregorius Nazianzenus, Sanctus Hilarius, S. Joannes Damascenus, & alii Patres. Et sane, si homini doceo & probo mira interdum dicenti credimus, quamvis ea quæ dicit non semper intelligamus, quanto magis Deo, utpote cuius est & infinita sapientia, & rectitudine, ut nee fallere possit, nec falli.

Neque hinc sequitur homines, si Deo ea, quæ supra eorum captum sunt, dicenti credant, facere imprudenter: ut enim quis prudenter agat, non est necessarium ut ratione naturali ea quæ dicuntur intelligat, sed sufficit talia ipsi hæc & nunc proponi motiva credibilitatis rei credenda, ut quamvis evidentiam ejus in se, & prædicatis

Docet Ser-
pura Deum
dicentem.
non ratio-
nem natu-
ralem, esse
objectum
formale
Fidei.

Hominis de-
cō & probō
credimus.
ergo à for-
tiori Dō.

III.
Quid requi-
ratur ad
hoc, ut quid
miram dicen-
ti credendo,
ut nō agat ion-
prudenter.
alius

II.
Quidam
Fidei arti-
culi sunt su-
pra ratio-
nem.